

COVID enbatan ez hondoratzeko flotagailua

Irakasleak

Oharra: Hezkuntzatik datozen jarraibideak etengabe aldatzen ari dira, beraz aldaketak jaso heinean gure dokumentua eguneratzen joango gara.

Azken eguneratze data: 2020ko urriaren 22a.

1. Langile baten zaugarritasuna baloratzeko jarraitu beharreko pausoak

Lan Arriskuen Prebentzio Zerbitzu bidez, BEREZIKI SENTIKORRAK DIREN LANGILEEN BALORAZIOA gauzatuko da:

A. **Honako dokumentua** online bete.

B. E-mailez bidali (prebentziohezkuntza@euskadi.eus helbidera) COVID 19arekin lotutako **gaixotze-tasari eta kokapen klinikoari buruzko txostena (informe morbilidad)**.

Dokumentu hori inprimatu ondoren, medikuak bete behar du. Behin bete eta sinatu duela, eskaneatu/pdf formatura pasa eta honela izendatu:

NAN zenbakia MAP Adib.: 78456133MAP

C. E-mailez bidali (prebentziohezkuntza@euskadi.eus helbidera) patologia deskribatzen duen medikuaren txostenik eguneratuena.

Informe hauek PDF bakarrean jarri behar dira eta PDF honi izena aldatu behar zaio:

NAN zenbakia PATOLOGIA Adib.: 78456133PATOLOGIA

Behin dokumentuak bidalita, zein erantzun espero dezaket?

→ Ez zara langile zaugarria.

→ Zaugarria zara, baina lanean jarraitu dezakezu NBE (Norbera Babesteko Ekipamendu) egokia erabilia (adib. FFP2 maskarak).

→ Zaugarria zara eta ezin duzu lanean jarraitu. Baja mutua bidez tramitatuko da.



2. Irakaslea den langilearen seme/alaben artean COVIDa. Kasuistika

A. Seme-alaba kasu POSITIBOA da (PCR +), sintomak izan zein ez

Berarekin bizi diren pertsona guztiei baja emango zaie berarekin kontaktu zuzena izan dutelako.

Seme-alaba positiboa bada, gurasoek PCRaren emaitzak jaso bitartean edo baja eskuratu bitartean, justifikatuztat jotzen da lanera ez joatea. Horretarako "zinpeko aitortpena" gehi arakatzaileren mezuaren kopia edota "zinpeko aitortpena" gehi medikuaren hitzorduaren kopia aurkeztu beharko dira.

B. Seme-alaba kasu POSIBLEA da (PCRaren emaitzaren zain), ageriko sintomak ditu

Ikastetxean gurasoaren ausentzia justifikatzeko (umearen PCR froga egin arte) famillia-medikuaren egiaztagiri bat bidali behar da ikastetxera.

Familia-medikuaren egiaztagiri hori lortzeko, pediatraren dokumentu bat aurkeztu behar zaio, honako mezua adierazten duena: "Umea COVIDarekin kutsatu izanaren susmo sendoa dago".

C. Seme-alabaren gelakide batek POSITIBO eman du

Seme-alabarekin kontaktu zuzena izan duenez, etxean egon beharko du berrogeialdia betetzen, gurasoek aldiz lanera joan beharko dute, ez baitzaie bajarik emango. Batzutan gela osoa konfinatzen da, eta beste batzutan gela burbuiletan antolatuta badago, burbuila bat soilik ere konfinatu daiteke (kontaktu zuzenen azterketaren ondorioz).

D. Umearen gelakide batek COVIDa izan dezake (konfirmatu gabe)

Gurasoei edota berarekin bizi direnei ez zaie bajarik emango.



Informazio gehiago

Zenbait ohar:

→ Mendekotasun egoeran dagoen adineko pertsona bat zurekin bizi bada, jar zaitez gurekin harremanetan jarraibideak argitzeko.

→ Ikastetxea ez da itxiko gela kopuru jakin bat ixten delako; gela zein ikastetxea ixtea Lan Arriskuen Prebentzio Zerbitzuari dagokio.

→ Berrogeialdian dagoen irakasleak ezin du online lanik egin: irakasle bat positiboa bada, edo konfinamenduan badago, (bi kasuetan baja eduki behar du) zuzendaritzak ordezkoa eskatu behar du, nahiz eta online lan egiteko egoeran egon.


→ Ordeztagunea: konfinamenduan dagoen ordezkoak ezin du Ordeztagunean parte hartu. (Ordeztagunean justifikatu gabeko uko egitera pasa zure egoera, 10 eguneko epean baja helarazi ordezkaritzak uko egite justifikatura pasa zaitzan. Osatutakoan, alta ordezkaritzara helarazi lanerako prest egoerara pasa zaitzaten berriro Ordeztagunean parte hartu ahal izateko).

3. Ikastetxeak

→ Ikastetxe bateko ikasle zein langile baten PCRak + ematen badu, lehenik eta behin, Hezkuntza Saileko Lan Arriskuen Prebentzio Zerbitzuarekin jarri beharko dira harremanetan. Prebentzio Zerbitzuak balorazioa egin, protokoloa martxan jarriko du eta berrogeialdian nor edo nortzuk egon behar diren esango du.

→ Ikastetxeak berrogeialdian egon behar duen langilearen ordezkoa eskatu behar du, nahiz eta online lan egiteko izan. Salbuespen egoera honetan, ordezkoa eskatzeko, ez da derigorrezkoa izango titularraren baja agiria izatea.

→ Hezkuntzako langile baten seme-alabaren bat negatiboa izanda berrogeialdian badago, hezkuntzako langilea den gurasoak ez du zaintzarako baimenik (beste edozein gaixotasunen kasuan gertatuko litzatekeen moduan).



→ Haurra berrogeialdian dagoenean baina gurasoei bajarik ematen ez zaienean, norberaren eginkizunetarako baimena eskatu ahal izango da. Baimen hau momentu honetan egun batetik bestera kudeatzen dute EIZU bidez eguerdiko 12ak baino lehenago eskatuz gero. Beranduago eskatuz gero, 48 ordutan.

→ Ikastetxean eskuragarri izan behar dira: maskara kirurgikoak, gel hidroalkolikoa, paperezko eskuoihala eta pedaldun paperontzi espezifikoak.

→ "Me Cuida" plana ez zaigu irakasleei aplikatuko.

→ Osasuna babesteko ikastetxeak gastatutakoaren fakturak Hezkuntza Sailera bidali dirua bueltatzeko eskatuz.

4. Eskatzen dugu

→ Zaugarri gisa identifikatu diren irakasleentzat eta Haur Hezkuntzako irakasleentzat FFP2 maskarak. Azken talde honetako langileentzat baita: amantalak, pantailak, eskularruak...

→ Ikastetxe askotara ez da behar adina NBERik iritsi (Norbera Babesteko Ekipamendua). NBE horiek izatea langileen eskubidea da. Hezkuntza Saileko Lan Arriskuen Prebentzio Zerbitzuari exijitzen diogu protokoloa jarraitzeko eta ikastetxeak eta langileak babeserako materialaz hornitzeko.

→ Hezkuntza Saileko Lan Arriskuen Prebentzio zerbitzuak, arreta bermatzeko, 24 orduz 7 egunetan telefono bat eta helbide elektronikoko bat zabalik izatea.

→ Ikastetxeko COVID arduradunari lana behar bezala betetzeko orduak ematea.

→ Lehen Hezkuntzako 4. mailara arteko irakasleentzat ere FFP2 maskarak (LH 5. mailatik gora ikasleek askoz hobeto erabiltzen dute maskara eta arriskua asko txikitzen da).

→ Nahitaezko betebeharragatik baimen ordaindua, 14 urtetik beherako pertsonak edo mendekotasun egoeran dagoen bat zurekin bizi bada, eta nahitaezko konfinamendu agindua edukita. Kontziliazioa errazteko ezinbestekoa iruditzen zaigu neurri hori ezartzea.



Bestelakoak

→ Ikasleriaren konfinamenduaren balorazioa eta nor edo nortzuk konfinatu eskualdeko OSI-a arduratzen da.

→ Langileoi balorazioa, galdetegia eta konfinatu behar garen edo ez, delegaritzetako Lan Osasun Prebentziokoak.